

Нефть маҳсулотларини сотиш ҳақидаги

24 -сонли ШАРТНОМА

Қўқон шаҳри

2022 й. “05” январ

Кейинги ўринларда “Таъминотчи” деб аталувчи “Фарғона нефт базаси” МЧЖ Қўқон филиали номидан Низом асосида фаолият юритувчи раҳбар А.А.Аббасов бир томондан ва “Истеъмолчи” деб аталувчи Ғафуров турмон Ободолжон турмон бошиқермасев номидан Низом асосида иш юритувчи раҳбари Д.Ю. Ғафуров иккинчи томондан, ушбу шартномани қуйидагилар ҳақида туздилар.

1. ШАРТНОМА МАЗМУНИ

1.1. “Таъминотчи” Республика хом ашё биржаси савдоларида ютиб олган Бухоро нефтни қайта ишлаш заводи МЧЖнинг нефть маҳсулотларини Ўзбекистон Республикаси Президентининг “Нефть-газ тармоғининг молиявий барқарорлигини ошириш бўйича биринчи навбатдаги чора-тадбирлар тўғрисида”ги 2020 йил 4 апрелдаги ПҚ – 4664-сонли қарорига асосан ўтган ҳафтада биржа савдоларида шакланган ўртача котировка нархларида “Истеъмолчи”га сотади.

1.2. “Таъминотчи” Республика хом ашё биржаси савдоларида ютиб олган Фарғона нефтни қайта ишлаш заводи МЧЖ ва бошқа ишлаб чиқарувчилар, шунингдек импортёрлардан сотиб олинган нефть маҳсулотларини Ўзбекистон Республикаси Президентининг “Нефть-газ тармоғининг молиявий барқарорлигини ошириш бўйича биринчи навбатдаги чора-тадбирлар тўғрисида”ги 2020 йил 4 апрелдаги ПҚ – 4664-сонли қарорига асосан биржа савдоларида сотиб олинган нарх устига ўзининг устамасини қўйиб “Истеъмолчи”га сотади.

1.3. “Таъминотчи” “Истеъмолчи”нинг буюртмаси асосида тегишли русум ва миқдордаги нефть маҳсулотларини етказиб бериш. “Истеъмолчи” эса етказиб берилган нефть маҳсулотларини қабул қилиб олиш ва ҳақини тўлаш мажбуриятларини ушбу шартномада келишилган шартларда бажаришни ўз зиммаларига оладилар.

1.4. “Таъминотчи”нинг (“Фарғона нефт базаси” МЧЖ ёки унинг филиалларининг) тасарруфида мавжуд бўлган резервуарларда (АЁҚШ ёки ФЁТШларида) “Истеъмолчи”нинг 1 тонна нефть маҳсулотларини сақлаганлиги. “Истеъмолчи”нинг буюртмасига асосан унинг техникаларига нефть маҳсулотларини қўйиб берганлиги учун “Истеъмолчи” “Таъминотчи”га 1 суткага 3580 сўм миқдорида хизмат ҳақи тўлайди.

“Таъминотчи” (“Фарғона нефт базаси” МЧЖ ёки унинг филиаллари) мавжуд бўлган резервуарларда “Истеъмолчи”нинг нефть маҳсулотларини сақлаганлиги, “Истеъмолчи”нинг буюртмасига асосан унинг техникаларига нефть маҳсулотларини қўйиб берганлиги учун “Истеъмолчи”га ҳар ой якуни бўйича алоҳида ҳисоб-варақа (счёт-фактура) тақдим этади.

“Истеъмолчи” ҳисоб-варақа (счёт-фактура) олган кундан бошлаб 10 (ўн) кун мобайнида тўловни амалга оширади.

1.5. “Таъминотчи” “Истеъмолчи”нинг нефть маҳсулотларини сақлаш жараёнида нефть маҳсулотлари туридан келиб чиқиб **“Нефть, газ конденсати ва нефть маҳсулотларини қабул қилиш, сақлаш, ташиш, бериш ва ҳисобга олиш бўйича Йўриқнома”**га асосан ҳар ой якуни бўйича “Истеъмолчининг” нефть маҳсулотига **“табиий йўқотиш”** қўллаиди (табиий йўқолган нефть маҳсулоти “Таъминотчи” томонидан коплаб берилмайди).

2. НЕФТЬ МАҲСУЛОТЛАРИ НАРХЛАРИ ВА ҲИСОБ–КИТОБ ТАРТИБИ

2.1. Шартноманинг тахминий умумий суммаси _____ сўмни ташкил қилади.

2.2. “Таъминотчи” “Истеъмолчи”нинг буюртмаси олинган куни сотилиши сўралган нефть маҳсулотларининг ўша кундаги жорий нархларини унга маълум қилади. “Истеъмолчи” мазкур нархлар асосида буюртмадаги нефть маҳсулотлари партиясининг тегишлихажми учун 100 фоиз олдиндан тўловларни амалга оширади.

2.3. Сотиладиган нефть маҳсулотлари учун тўловлар “Таъминотчи”нинг банкдаги ҳисоб рақамига пул ўтказиш, пластик карточкалар ва нақд пул шаклида амалга оширилади.

3. НЕФТЬ МАҲСУЛОТЛАРИНИ СОТИШ ТАРТИБИ ВА МУДДАТЛАРИ

3.1. Нефть маҳсулотлари “Таъминотчи”нинг омборидан ёки унга қарашли филиаллардан “Истеъмолчи”нинг буюртмаси ва унда етказилиши сўралган нефть маҳсулотлари учун тўловлар келишилган муддатда олдиндан 100% амалга оширганлигини тасдиқловчи тўлов ҳужжати нусхаси тақдим этилганда сотилади.

3.2. Нефть маҳсулотлари “Истеъмолчи”га унинг сўровига асосан “Таъминотчи”нинг махсус автотранспортида белгиланган тартибда етказиб берилиши мумкин. Нефть маҳсулотларини шунингдек “Истеъмолчи” томонидан барча ёнгин ва техника хавфсизлик талабларига риоя қилиш бўйича масъулиятни ўз зиммасига олган ҳолда ўзига тегишли ёки ижарага олинган махсус транспорт воситасида олиб кетилиши мумкин ва бундай ҳолатда ташиш харажатлари қайта кўриб чиқилмайди.

3.3. Нефть маҳсулотлари омборига нефть маҳсулотини ташувчи автомобил цистерналари 1510-84 Давлат стандарти талабига жавоб бериши шарт. Акс ҳолда автотранспорт воситалари омбор ҳудудига киритилмайди ва уларга нефть маҳсулотларининг қуйилишига руҳсат этилмайди. Бундай автотранспорт воситалари бўш кетган ҳолларда “Таъминотчи” жавобгар бўлмайди.

3.4. Нефть маҳсулотлари қуйилган автоцистерналар (Истеъмолчи”нинг автотранспортида олиб кетиш ҳолатлари бундан мустасно) “Истеъмолчи”нинг талабига биноан “Таъминотчи”нинг ёки унинг бўлинмалари томонидан амалдаги меъёрий техник ҳужжатларга (2417-85 давлат стандартига) мос тарзда тамғаланади.

4. НЕФТЬ МАҲСУЛОТЛАРИНИ ҚАБУЛ ҚИЛИШ ТАРТИБИ

4.1. Нефть маҳсулотлари миқдор бўйича қабул қилиш “Ишлаб чиқариш техника ва халқ истеъмоли молларини миқдор жиҳатдан қабул қилиб олиш тартиби тўғрисида”ги П-6-сонли ва сифати бўйича эса “Ишлаб чиқариш техника ва халқ истеъмоли молларини сифат жиҳатдан қабул қилиб олиш тартиби тўғрисида”ги П-7-

сонли йуриқномалар ҳамда бошқа меъёрий ҳужжатлар талаблари асосида амалга оширилади.

4.2. “Истеъмолчи”нинг вакили нефть маҳсулотларини олаётган вақтда маҳсулотнинг сифати ва миқдорини жойида текшириб олади.

4.3. Нефть маҳсулотларини сотилганлиги тўғрисидаги тегишли ҳужжатлар “Таъминотчи”нинг омборида ёки унга қарашли филиаллардасмийлаштирилади ва уларни “Истеъмолчи” томонидан бунга ваколат берилган ишончнома асосида вакили имзолайди ва нефть маҳсулотларини қабул қилиб олади. Эгаллик ҳуқуқи тасодифий нобуд бўлиши, нефть маҳсулотларига зиён етиш хавфи “Таъминотчи” омбори ёки АЁҚШ ҳудудидан чиққан вақтдан бошлаб “Истеъмолчи”га ўтади.

5. НЕФТЬ МАҲСУЛОТЛАРИНИНГ СИФАТИ

5.1. “Таъминотчи” “Истеъмолчи”га сифати Давлат стандартларига ва техник шартларга жавоб берадиган нефть маҳсулотларини сотишни қафолатлайди. Сотилаётган нефть маҳсулотларининг сифати 1510- ва 2517-сон Давлат стандартлари ва техник шартларга мос бўлиши ҳамда бу нефть маҳсулотларини автотранспорт воситаларига юклаш ва ташиб етказилиши кузатилишига оид расмийлаштирилган ҳужжатларда қайд этилиши лозим.

5.2. Нефть маҳсулотларини олишда “Истеъмолчи” уларнинг сифатини, шунингдек сифат паспортини талаб қилиш ҳуқуқига эга.

6. ТОМОНЛАРНИНГ ЖАВОБГАРЛИГИ

6.1. Томонлар ушбу шартнома бўйича ўз мажбуриятларини бажармаганликлари ёки лозим даражада бажармаганликлари учун Ўзбекистон Республикаси фуқаролик Кодексига ва “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги қонунига биноан жавобгар бўладилар.

6.2. “Таъминотчи” нефть маҳсулотларини ўз вақтида етказиб бермаганлик учун ҳар бир кечиктирилган кун учун вақтида етказилмаган нефть маҳсулотлари суммасининг 0,1 фоизи, лекин 10 фоизидан ортиқ бўлмаган миқдорда пеня тўлайди.

6.3. “Таъминотчи” нефть маҳсулотлари сифатини ўз ҳисобидан тиклаб бериш билан бир қаторда “Истеъмолчи”га етказиб берилган сифати лозим даражада бўлмаган нефть маҳсулоти қийматининг 5 фоизи миқдорида жарима тўлайди.

6.4. “Истеъмолчи” белгиланган муддатда олинмаган ва етказиб берилган нефть маҳсулотларини олишдан сабабсиз бош тортганлиги учун “Таъминотчи”га олинмаган маҳсулот умумий қийматининг 5 фоизи миқдорида жарима тўлайди ва таъминотчи олинмаган маҳсулот учун маҳсулотнинг тўлиқ қийматини ундириш ҳуқуқига эга.

6.5. “Истеъмолчи” ўзининг ҳудудига олиб келинган нефть маҳсулотларини қабул қилишда амалдаги ёнғин ва техник хавфсизлиги талаб ва меъёрларига тўлиқ амал қилинишига жавобгардир.

6.6. “Истеъмолчи” етказиб берилган нефть маҳсулотларини сақлашнинг техникавий шарт-шароитлари ва хавфсизлиги учун амалдаги қонунларда назарда тутилган тартибда жавоб беради.

6.7. Томонлар ҳамда уларнинг вакиллари мазкур шартнома бўйича ўз мажбуриятларини бажараётганда Ўзбекистон Республикасининг коррупцияга қарши курашиш

тўғрисидаги қонун ҳужжатларининг талабларига зид келадиган ҳар қандай ҳаракатларни амалга оширмайдилар, томонлар ушбу ҳаракатларга йўл қўймаслик бўйича чоралар кўрилишига кафолат беради.

7. ФОРС-МАЖОР ҲОЛАТЛАР

7.1. Томонлардан бирортаси ушбу шартнома бўйича ўз мажбуриятини бажармаган ёки лозим даражада бажармаган ва бунга форс-мажор ҳолатлар, яъни енгиб бўлмайдиган куч (фавқулотда ва муайян шароитларда, олдини олиб бўлмайдиган вазиятлар (зилзила, қурғокчилик, сув тошқини, ёнғин, сел, дўл, жала ва бошқа табиий офатлар) сабаб бўлганлигини исботласа, жавобгар бўлмайди.

8. БОШҚА ШАРТЛАР

8.1. Ушбу шартноманинг бажарилишида юзага келадиган ҳар қандай низо ва келишмовчиликлар томонлар ўртасида ўзаро музокара йўли билан ҳал этилади. Келишувга эришилмаган тақдирда эса низолар белгиланган тартибда иктисодий судлар орқали ҳал этилади.

8.2. Шартномага киритиладиган ҳар қандай ўзгартириш ва қўшимчалар ёзма равишда бўлиб, ҳар иккала томон имзолагандан кейингина ҳақиқий ҳисобланади.

8.3. Ушбу шартнома 2 нусхада тузилди ва тенг ҳуқуқий кучга эга.

8.4. Шартнома томонлар ўртасида имзоланган кундан кучга киради ва 2022 йил 31 декабргача амал қилади.

9. ТОМОНЛАРНИНГ ЮРИДИК МАНЗИЛЛАРИ

“ЕТКАЗИБ БЕРУВЧИ”:

“Фарғона нефт базаси” МЧЖ

Кўкон филиали

Манзили: Кўкон шаҳар,

2-Кудуклик кўчаси 15-уй

х/р: 22604000300215485705

Саноат қурилиш банк Яшнабод

филиали МФО: 00432


ОКОНХ: 71150

ИНН:201104250, тел: 73-244-78-80

Рахбар

 А. Аббасов

“ИСТЕЪМОЛЧИ”:


Ўшқирмиш тумани

Ўшқирмиш тумани

И/р: 23462600300100001010

И/р: 100027860302217011503110001

МФО: 00014 Ишқирмиш МЧЖ

ОКОНХ 97600 ИИН 201122919

Рахбар 

ҲУҚУҚИЙ ХУЛОСА

Ушбу шартнома лойиҳаси Ўзбекистон Республикаси Фуқаролик Кодекси ва “Хўжалик юритувчи субъектлар фаолиятининг шартномавий ҳуқуқий базаси тўғрисида”ги Қонуни ва бошқа қонун ҳужжатлари талабларига жавоб беради. Ушбу шартномани имзоласа бўлади деб ҳисоблайман.

Юридик бўлим бошлиғи:



Н.Ахунташев

YURIDIK AHAMIYATGA EGA HUIJATLARNING QONUN
HUIJATLARIGA MUVOFIQLIGI TO'G'RSIDA HUQUQIY XULOSA

1. Loyihaning turi

SHARTNOMA

2. Loyihaning nomi

Neft maxsulotlarini yetkazib berish bo'yicha shartnoma

3. Shartnomaning mazmuni

“Ta'minotchi” deb ataluvchi “Farg'ona neft bazasi” MChJ Qo'qon filiali nomidan Nizom asosida faoliyat yurituvchi raxbar A.A.Abbasov bir tomondan va “Iste'molchi” deb ataluvchi Uchko'prik tuman Obodonlashtirish boshqarmasi nomidan Nizom asosida ish yurituvchi raxbari D.Y.Ergashev ikkinchi tomondan, ushbu shartnomani quyidagilar haqida tuzdilar:

1.1. “Ta'minotchi” Respublika xom ashyo birjasi savdolarida yutib olgan Buxoro neftni qayta ishlash zavodi MChJning neft mahsulotlarini O'zbekiston Respublikasi Prezidentining “Neft-gaz tarmog'ining moliyaviy barqarorligini oshirish bo'yicha birinchi navbatdagi chora-tadbirlar to'g'risida”gi 2020-yil 4-apreldagi PQ – 4664-sonli qaroriga asosan o'tgan haftada birja savdolarida shakllangan o'rtacha kotirovka narxlarida “Iste'molchi”ga sotadi.

1.2. “Ta'minotchi” Respublika xom ashyo birjasi savdolarida yutib olgan Farg'ona neftni qayta ishlash zavodi MChJ va boshqa ishlab chiqaruvchilar, shuningdek importyorlardan sotib olingan neft mahsulotlarini O'zbekiston Respublikasi Prezidentining “Neft-gaz tarmog'ining moliyaviy barqarorligini oshirish bo'yicha birinchi navbatdagi chora-tadbirlar to'g'risida”gi 2020-yil 4-apreldagi PQ – 4664-sonli qaroriga asosan birja savdolarida sotib olingan narx ustiga o'zining ustamasini qo'yib “Iste'molchi”ga sotadi.

1.3. “Ta'minotchi” “Iste'molchi”ning buyurtmasi asosida tegishli rusum va miqdordagi neftmahsulotlarini yetkazib berish, “Iste'molchi” esa yetkazib berilgan neft mahsulotlarini qabul qilib olish va haqini to'lash majburiyatlarini ushbu shartnomada kelishilgan shartlarda bajarishni o'z zimmlariga oladilar.

1.4. “Ta'minotchi”ning (“Farg'ona neft bazasi” MChJ yoki uning filiallarining) tasarrufida mavjud bo'lgan rezervuarlarda (AYOQSh yoki FYOTShlarida) “Iste'molchi”ning 1 tonna neft mahsulotlarini saqlaganligi, “Iste'molchi”ning buyurtmasiga asosan uning texnikalariga neft mahsulotlarini quyib berganligi uchun “Iste'molchi” “Ta'minotchi”ga 1 sutkaga 3580 so'm miqdorida xizmat haqi to'laydi.

“Ta'minotchi” (“Farg'ona neft bazasi” MChJ yoki uning filiallari) mavjud bo'lgan rezervuarlarda “Iste'molchi”ning neft mahsulotlarini saqlaganligi, “Iste'molchi”ning buyurtmasiga asosan uning texnikalariga neft mahsulotlarini quyib berganligi uchun “Iste'molchi”ga har oy yakuni bo'yicha alohida hisob-varaqa (schyot-faktura) taqdim etadi.

“Iste'molchi” hisob-varaqa (schyot-faktura) olgan kundan boshlab 10 (o'n) kun mobaynida to'lovni amalga oshiradi.

Ushbu shartnoma Uchko'prik tumani obodonlashtirish boshqarmasi tomonidan 2022 yil 13 yanvar kuni Uchko'prik tumani yuridik xizmat ko'rsatish markaziga elektron shaklda taqdim qilingan.

Shartnoma loyixasini xuquqiy ekspertizadan o'tkazish natijalariga ko'ra:

O'zbekiston Respublikasi Byudjet kodeksining 122-moddasi 5-qismida "Byudjet tashkilotlari va byudjet mablag'lari oluvchilarning tovarlarni (ishlarni, xizmatlarni) yetkazib berish to'g'risida tuziladigan shartnomalarida 15 foiz miqdorida oldindan to'lovni amalga oshirish nazarda tutiladi, O'zbekiston Respublikasi Vazirlar Mahkamasi tomonidan belgilangan hollar bundan mustasno." deb belgilangan.

O'zbekiston Respublikasi Vazirlar Mahkamasining 2011 yil 24 avgustdagi 241-son "Byudjet tashkilotlari va byudjet mablag'lari oluvchilarning xarid qilishda 15 foizdan ortiq miqdorda avans to'lashi mumkin bo'lgan tovarlar (ishlar, xizmatlar)ning turlari ro'yxatini tasdiqlash to'g'risida"gi qarori ilovasida ko'rsatilgan tashkilotlari va byudjet mablag'lari oluvchilarning xarid qilishda 15 foizdan ortiq miqdorda avans to'lashi mumkin bo'lgan tovarlar (ishlar, xizmatlar)ning ro'yxatida avtomobil benzini va dizel yonilg'isi uchun shartnomanasidan 100% oldindan to'lash mumkinligi belgilangan.

O'zbekiston Respublikasi Byudjet kodeksining 122-moddasi 3-qismiga ko'ra, byudjet tashkilotlari va byudjet mablag'lari oluvchilarning byudjetdan ajratiladigan mablag'lar bo'yicha tovarlarni (ishlarni, xizmatlarni) yetkazib beruvchilar bilan tuzgan shartnomalari, shuningdek ularga kiritilgan o'zgartirish va qo'shimchalar ular g'aznachilik bo'linmalarida ro'yxatdan o'tkazilganidan keyin kuchga kiradi.

Yuqoridagilarni inobatga olib, huquqiy ekspertizadan o'tkazish natijalariga ko'ra:

XULOSA QILAMAN:

O'zbekiston Respublikasi Byudjet kodeksi va amaldagi qonunchilik talablariga muvofiq Uchko'prik tuman Obodonlashtirish boshqarmasi tomonidan taqdim qilingan «Ta'minotchi» «Farg'ona neft bazasi» MChJ Qo'qon filiali hamda «Iste'molchi» Uchko'prik tumani Obodonlashtirish boshqarmasi o'rtasida neft mahsulotlari yetkazib berish haqidagi shartnoma loyihasi amaldagi qonun hujjatlariga muvofiq deb topilsin.

13-yanvar 2022-yil

Uchko'prik tumani Yuridik xizmat
ko'rsatish markazi bosh yuriskonsulti

I.Murodov